

01140.161
42
8

卷之八

人物志上

文苑	忠烈	鄉賢
義行	孝友	賢行

重修商河縣志

王獻舍題



民國二十五年三月

重修商河縣志

縣長石毓嵩



二十六年徵集之書

重修商河縣志卷之八

人物志上

二十六年徵集之書

天生民而懿德具於人心不特秉清淑之氣者有以樹綱常維名教卽夫婦之愚不肖一旦性眞奮發雖聖賢有不能至不能盡焉十室之邑猶有忠信况商河前漢舊治代有傳人哉始鄉賢終列女人事備矣玉蘊石琢磨成器木生山繩墨爲功爲能發憤洗滌克自振拔於儕俗也志人物

鄉賢

後唐

馬允孫字慶先舉進士後唐末帝李從珂爲潞王時辟爲河中

商河縣志

卷之八

人物志

一

鄉賢

觀察支使從珂爲楊彥溫所逐罷居京師允孫從後從珂將舉兵反左右謀已定召允孫告之曰受命移鎮路出京師何向爲便允孫曰君命召不俟駕今大王爲國宗屬先帝新棄天下臨喪赴鎮臣子之道諸人凶謀不可從也左右皆笑其愚從珂獨心重之後從珂弑閔帝立是爲末帝允孫官至中書侍郎同中書門下平章事石敬瑭弑末帝自立允孫遂家居不仕時人稱爲三不開居家門不開見客口不開入朝印不開爲人端肅如此

元

張博文泰定丁卯鄉舉官至東平襄陽懷慶等路總管陞兵部

侍郎政績無考惟明祀鄉賢略曰道行果毅風韻遠而猶著
洵爲先代之鄉賢云

明

孫毓宣德丁未進士除行在監察御史彈劾不避權貴讞獄多
平反陞陝西右參政以廉勤著名再遷左布政仍上疏論執
政者幾爲所陷上知其忠特令致仕

張紳宣德壬子舉人歷知鞏縣麟遊縣陞均州知州俱以廉能
著稱進秩從四品致仕

張咨紳之子天順乙卯舉人初知直隸曲陽縣歷知光州涿州
令行禁止吏畏民服剛介有爲不附權要時中官用事上下

商河縣志

卷之八

人物志

二

鄉賢

無不阿順風旨咨獨與之相抗中貴皆憚之以治最知衛輝
九江府政益舉陞河東鹽運使鹽法大行奸猾屏息年未周
甲乞休壽終於家子九叙登進士官至都御史九霄經魁官
至永平府通判俱不愧家法云

孫識字以蕃成化戊戌進士除戶部主事累遷郎中以狷介著
名遷平涼府知府興利除奸賑貧掩骼作興人才屢辦疑獄
再遷漢陽尤多治狀居鄉孝友動必以禮邑人矜式焉

張奇成化甲午舉人知望江縣多善政入名宦祠判黃州嘉興
知渾源州旋改階州俱有奇績詳載安慶府階州望江縣三
志致仕進階奉直大夫協正庶尹居家以孝弟聞婚喪率遵

古禮其他善行不能悉記詳閩庶常閔所撰墓誌文

盧亨字永泰彬之子母周氏濟陽望族孝慈勤儉相夫訓子綽有古名媛儀範亨領成化庚子鄉薦丁未捷南宮迎養母氏京邸未幾奉板輿以歸擢兵科給事中居諫垣十餘年多所建議歷陞太常寺卿進階嘉議大夫資治尹天性忠厚未嘗與人相忤有犯者旁觀不堪亨視之若未犯已也正德間劉瑾用事許以美秩欲亨往見不屈卽上章引年致仕卒賜祭葬子傑正德癸酉舉人出知直隸灤州有惠政及致仕百姓爲建生祠祀之崇祀名宦祠王蕃撰去思碑並讚

張九叙咨之子宏治乙丑進士授庶常正德朝歷官戶刑科左

商河縣志

卷之八

人物志

三

鄉賢

右給事中曾劉瑾竊柄遼府李校尉者藉瑾勢不法侵府田若干府奏聞上命九叙按治得實置之法人爲九叙危瑾竟不能禍庚午瑾誅九叙又與謝都諫指摘奸黨中外稱快武宗悅西僧術江彬得倖旨下工部起少府爲彬居九叙奏請罷之彬誅陞吏科都給事中轉太僕寺少卿調太常寺提督四夷館以旌敢諫嘉靖五年江洋劇賊黃保孫二等嘯聚數百人爲盜莫能制特陞南京右僉都御史理江防事至則召長吏授策未浹旬而黃保輩就縛江河肅然吳人稱神移時旱蝗蔽天上修德回天疏反覆時事數千言忤執政再疏乞退不報明年因張孚敬奏論罷抑鬱疽發而歿

綱鑑輯覽載正德十六年

五月梁儲罷吏部尚書王瓊以罪戍邊初瓊在兵部凡所誅
賞悉聽中旨至是給事中張九叙劾王瓊濫鬻將官依附僅
倖併劾梁儲持祿固寵儲三疏求去賜勅傳歸下瓊都察院
鞠治論死瓊疏辯乃減死戍邊按濟南范懋志銘載事甚
詳獨正德中張九叙在諫垣疏劾兵部尚書王瓊禮部尚書
梁儲儲賜歸瓊論死戍邊風節昭著而誌不及豈當時或有
所諱云

孫孟舉識之子孟和之弟宏治乙丑進士授刑部主事歷任河
南按察司僉事事實失傳

孫孟和字節之識之子孟舉之兄正德戊辰進士知廣平縣甫
下車即值流賊作亂誓衆殺賊孤城賴全調滑縣到任日流
賊大至攻圍七晝夜孟和且戰且守斬獲甚衆保城如在廣
平擢湖北道監察御史風采嚴峻人不敢干以私巡按山西

商河縣志

卷之八

人物志

四

鄉賢

韃賊深入孟和督戰却敵參劾總兵傅鐸等不謹封守賞罰
公明丁丑武宗幸大同召至前勞曰爾御史中好官朕當賜
予有錦衣銀牌帶袂之賜寧王宸濠叛從征紀功多所建白
劾太監張永及安邊伯朱泰等皆正其罪中外震動會武廟
升遐孟和左遷六安添注判官初無憤意嘉靖改元知吳橋
縣興文教全名節轉真定府同知旋知府事厚風化厲節義
無少怠因病乞休家無中人之產淡如也著有西巡激揚錄
南征紀功錄

張邦瑞奇之子正德丁卯舉人任南京兵部司務陞戶部員外
郎中以年資應抽分蕪湖及北新關稅課可得萬金邦瑞力

辭不往人以爲難出知石阡府知府比懸車囊橐蕭然所居
僅蔽風雨怡然安之

賈樞字慎卿斌之曾孫嘉靖壬辰進士知葉縣調襄垣任事明
斷豪猾斂手擢刑部主事陞員外郎郎中折獄稱平陞陝西
僉事兵備隴右秉正持公訟清盜息巡撫薦剡有番人感服
全隴稱神之語遭父喪盡禮起除河南僉事兵備隴陳擒恆
山大盜李邦珍等伏法仲冤獄終山西參議以疾致仕闔門
養重隻字不投公庭優游林下十餘年引掖後進多所成就
出處之節終始不渝稱完人焉

王琨字友玉萬歷丙辰進士授真定知縣清積逋覈假差成溲

商河縣志

卷之八

人物志

五

鄉賢

沱浮橋減河田公稅鋤強扶弱勇幹有聲擢禮科給事中值
楊漣大獄以病乞歸崇禎改元轉河南參議兵備汝南劇盜
陳圈子圍掠郡邑琨整行伍簡材官清軍耗指授戰守機宜
擒其党塔四等賊勢大沮退散又平舞陽安住兒等寇擢湖
廣參政鎮守襄陽江防道以病乞休著有循職言略游草十
刻

李時新萬歷辛卯舉人授武強縣以廉幹著名調棗強會妖賊
數千作亂逼掠縣城時新戮力誓衆殲其渠魁餘党悉平以
疾乞歸值叛兵陷城不屈而死崇禎六年贈光祿寺署正

王國安字熙寰萬歷中歲貢生授曲阜教育敦崇實學人咸敬

之丁憂家居崇禎四年叛兵圍城國安督衆禦敵城陷被執不屈而死六年巡撫朱大典題贈國子監助教頒文諭祭廕其長子與立爲南城兵馬司

馬泰仲字惟舒萬歷己酉舉人已未會試副榜授鹽山知縣邑苦潦且瘠城郭公署傾圯殆盡區畫補葺民不知勞平賦役審差徭振興文教士登科者十人擢知滄州路當孔道役煩賦重多方釐剔一如在鹽捕奸僧佔人田產搶奪婦女者置之法豪強莫不畏服閏七月丁父艱歸崇禎十五年壬午十二月二日西門城陷不屈死節妻張氏亦抗節殉夫難

清

商河縣志

卷之八

人物志

六

鄉賢

王治邦順治初拔貢生授湖廣德安府推官時兵燹之後人民稍聚訟獄繁興治邦勸撫安輯衆賴以安遷鎮江府海防同知清屯田冒丁除簽運積弊親歷圖山洋河巡緝私梟歛迹官引疏銷陞知德安府值歲饑蠲賑備至全活數千人親老乞養歸著有家訓輯要

按商邑鄉賢在嘉靖初始祀後唐平章馬允孫元兵部侍郎張博文二人萬歷中增祀孫識張奇二人今考祀典載馬允孫張博文孫毓張紳張咨孫識張奇盧亨張九叙孫孟舉孫孟和張邦瑞賈樞王琨李時新王安國馬泰仲王治邦共十有八人事實散佚旣多與祀世代亦與名宦同

無考證爰爲搜輯叙次立傳其無考者缺疑以待不敢臆
擬一字惟思鄉賢崇祀所以重前哲之典型而昭後人之
景仰邑中人材傑出建功業立德行實繁有徒溯前之多
賢知後之繼而起者未艾也羨後之多賢知前之鬱而沒
者有待也表幽闡微非賢士大夫之責哉

賢行

後漢

襄楷字公矩東漢末人好學博古善天文陰陽之術桓帝時宦官專朝政刑暴濫又比失皇子災異尤數延熹九年楷自家詣闕上疏言去歲星象垂異自今年春夏以來連有霜雹及大雨霤由臣作威作福刑罰急刻所感劉瓚成瑨遠加考逮梁寇孫鄧並見族滅慶育未聞災異屢作願賜清閒極盡所言書奏不省十餘日復上書言宜承天意理察冤獄爲劉瓚成瑨虧除罪辟追錄李雲杜衆等子孫前上宮崇所獻神書有興國廣嗣之術而順帝不行頻世短祚今愛待黃門常侍

商河縣志

卷之八

人物志

八

賢行

兼倍常寵宮中立黃老浮屠祠非所以獲祚也書上召詣尙書問狀楷曰古者本無宦臣武帝末春秋高數游後宮始置之後稍見任至順帝遂益繁熾今爵十倍於前至今無繼嗣者豈獨好之而使然乎尙書上其對詔下有司處正尙書承旨奏曰宦者非近世所置漢初張澤爲大謁者佐絳侯誅諸呂孝文使趙談參乘而子孫昌盛楷不正辭理指陳要務而析言破律違背經藝假借星宿僞託神靈造合私意誣上罔事請下司隸正楷罪法收送洛陽獄帝以楷言雖激切然皆天文恆象故不誅猶司寇論刑初順帝時琅邪宮崇詣闕上其師干吉於曲陽泉水上得神書百七十卷號太平清領書

其言以陰陽五行爲宗多巫覡雜語有司奏收藏之靈帝卽位以楷書爲然太傅陳蕃舉方正不就鄉里宗之每太守至輒至禮請中平中與荀爽鄭玄俱以博士徵不至卒於家

金

孟遵道由中書省掾初任陽穀令愷悌有聲秩滿人爲立去思碑以頌其德累遷中山府知府官至兵部尙書

張彥衡由宣徽院掾官至大都路總管

孫可達由國子監博士官至南康路總管

劉士勉由國子監生省試中第賜進士出身任臨淄縣尹官至眞定路總管

商河縣志

卷之八

人物志

九

賢行

劉乙正大七年賜進士授奉直大夫譙縣主簿官至濱州路儒學提舉

元

泉士諒任浙江按察司副使官至都御史

按以上五人舊志稱卓爾不羣大著聲稱其政績失傳

孟仲賢大德丁未以中書掾乞便親出尹長山治事之外日一至廟學觀諸生講授課業子弟入學里胥無敢窺其門凡縣吏皆肄業如生徒始學無廩膳縣令安惟洪僅以五畝地入學繼復取以裕國仲賢買田十有六畝又爲廟外門極宏廠覆以重屋固以甃垣左右樹柏槐使邑人矜式焉元中書省

參知政事劉敏中記其事

明

程惟遠洪武初人端重好學隱居不仕洪武間以經明行修薦授本縣學教諭

張鑒永樂癸卯舉人是科中式劉禎劉隱孫毓王錫許瑩與鑒爲六時號六鰲齊駕文廟西建六鰲坊初任山西大同府同知陞平陽府知府奉公守法保赤存心一遇災荒率屬賑濟清操惠政仁廉著稱

賈斌剛介尙義篤於孝友好古強學慷慨有志爲邑庠生時母病思冰籲天求之神告於智井得之人謂孝思所感父母卒

商河縣志

卷之八

人物志

一〇

賢行

各廬墓三年督學命有司以彩幣羊酒禮之累舉不第坐事挂誤黜爲天城衛令史景泰初考次歷代忠臣行實纂集成書名曰忠義集連疏詣闕上進極言朝廷任用非人致壞大政大臣尸位畏懦有負祿養之遇宦官竊柄尤宜亟除不可優寵以成其奸反覆數百言切直無隱疏入朝廷覽納以所進書命禮部通行天下時靖遠王忠毅參贊留都聞斌名上疏奏保改爲行軍掾史授蜀府工正在官三十餘年清苦之節始終不移乞休進階從仕郎家居日吟誦好學至老不倦年九十三卒所著忠義集學兵梯航俱進呈餘藏於家

盧傑亨之子正德癸酉舉人出知灤州有惠政及致仕百姓爲

建生祠祀之王蕃撰去思碑並讚崇祀名宦

田貞宣德間人正大不阿誠懇有志以賢良方正薦授直隸眞定縣主簿

王克敬嘉靖癸卯恩貢生任山西沁水縣丞攝縣事沁邑小路衝民苦供役克敬營費均絲革除飛派清荒地二十餘頃逃亡歸附大僚加禮時祁縣凋敝任事者輒避兩臺借重委攝隨方釐剔一一就理民甚便之因病乞休修家乘著家訓二十一章恂恂以孝弟忠信教子弟戒勿爲吏胥致壞心術云李誠明字思伯萬歷甲午舉人博極羣書尤精象數之學內行醇備孝友過人登賢書四十年未嘗干州府天啓中閣中薦中書舍人不赴魏閣聞其名厚幣招之稱疾預避於東村建小亭瓦木皆方額曰矩亭朝夕其中不與人接

按誠明原名翼通志兩收之舊志遷德州誤

翟耀萬歷丙子舉人授饒陽縣酌利弊定因革新政煥然縣荒地多茅凡訟理屈者罰墾地數百頃茅若干束城中茅積如山值歲饑耀給茅食民賴以全活有路生貧困婦翁悔婚構訟爲完婚官舍教以誦讀登第入詞垣修學宮立文會邑之科第相繼陞岢嵐州父老赴留者以千計爲建祠以祀岢嵐有大獄繫囚十有八人久不決耀平反之民服如神乞休歸十年跡未嘗至公庭也死後饒陽路生夫婦請假來襄殯葬

盡哀而去詔賜祭葬

楊開先萬歷間歲貢生任浙江慶元縣教諭性孝友淡泊自安

潛心理學註太極圖解

王愚萬歷初拔貢生授廣平府通判政尚寬平恤民財力廣人立碑紀頌再任淮安府通判清丈土田一千二百餘頃造船濬河實心任事多所節省致政歸樂推解甘淡泊年登百有一齡而終

王蒙字伯亨天性冲夷寬容醇謹未弱冠遊庠九戰不售以明經司鐸獲鹿課士以道義教諭館陶倡捐建文樓迄今科甲不絕陞晉州學正晉俗尚游俠宦者以結納爲捷徑蒙不與

商河縣志

卷之八

人物志

一二

賢行

人忤亦不與人比士氣靡然變也病歸年八十有七而卒著有鹿泉寄興集陶山陰筆跡稿燕遊筆記三晉寫懷錄存於家

王珽字化周天性孝友樂爲善而與物無爭萬歷間歲貢生司鐸膠州弟子來學者不計脩脯勤誘務盡力有貧不能婚喪者以俸金資之擢廣德州學正未幾乞歸與昆弟子姪笑傲林泉以終天年邑令表其門爲齒德蓋代云

馬曰驥字惟先崇禎歲貢生性耿介不輕然諾不慕榮利訓導掖縣值土寇之變乞休歸里終身不仕爲後進楷模者數十年

王家輓字利行爲諸生時敦品力學非公不至公庭邑有孝廉某與令構訟上府委兩郡司理下縣問狀曲在令司理求平於闔學意左袒令欲索一揭以報家輓時爲學首弗應司理怒責學吏家輓不爲動毅然曰兩家事是有公論奈何欲生員殺人以媚人耶司理語塞其勁氣如此後司鐸臨淄端士習拯疫疾尤多善事焉

王化澄字鳳岡爲諸生時有憂世之志北遊欲伏闕上書不果授鴻臚寺序班銜歸養當明季天象屢異化澄構亭商河岡修孫吳之業署其室曰草廬待顧時有趙太守枉問兵策反覆條對俱得機宜勸之仕不出崇禎末東兵掠城化澄冒鋒

商河縣志

卷之八

人物志

一二三

賢行

石談笑而道合家得全其風度好整以暇臨危不亂如此

馬蕃錫崇禎副貢生除歸德通判兵燹之後巷無居人多方撫輯賴以生聚攝睢州擒土豪二十餘人除稅課千金墾荒地數百頃睢人至今頌之歷令七邑均有政聲乞養歸著有燕

宋諸草

孫文光萬歷丁酉科舉人任福山縣教諭及清使人持溫石硯玉杯壽帳召之仕公以親老辭不就

清

王敬公字爾成順治戊戌進士謁選分校秋闈得士十人聯雋四人一時稱盛除知四川屏山縣縣自獻賊殘破後遺黎無

幾敬公關汧萊勸農桑與民休息會苗民聚衆數千作亂親率三僕及衙役數十人奮力禦之矢穿敬公腋策戰愈厲賊少却又策奇計斬賊首陳魁等數人餘乃潰苗甫平武弁譖之開府落職留蜀四載冤白復官補河南商水縣濱河多水患修防工役民不堪擾力請上官撤黃河防夫修小河支流支流疏通河堤永固歲省民錢無算商民尸祝至今任滿考最擢行人甫一歲敬公忽心動遂乞假歸省到家之明日父無疾而終人咸謂孝思所感云著有沛草粲花集蜀道難吟養蒙功過格行世

馮甘霖順治中歲貢生任江南寶應縣訓導陞石埭縣教諭敦

商河縣志

卷之八

人物志

一四

賢行

古處明正誼不干謁有司不苟責生徒布衾素食不屑屑於溫飽及乙未歲又陞威海衛教授去後埭人思慕不忘共議每歲秋初祀於陵陽道館與王陽明先生輩永享俎豆報

馬顯錫字勳侯康熙中歲貢生訓導莘縣端方樸直有古君子風賦性瀟灑貧而能樂莘自前明丙子後六十餘年無領鄉薦者顯錫嚴課善獎士氣不變是後獲售者不絕且修學校翦豪商多士仰爲山斗卒於官署莘士送喪幾百里不去爲立遺澤碑以示不忘

馬眷德字如之康熙辛亥歲貢生忠恕存心克己能忍理學深邃尤精於易人咸推爲道士

徐恢字廓若邑增生天性淳樸學力篤實詩書精理皆潛心而得見諸躬行兄弟間怡怡也終日端坐不見惰容嘗曰讀書當自見心性科舉之學多僞章句之學多腐儒者惟盡理所當爲通塞有命於已無與也

王宇熙字廓若康熙中拔貢生教諭費縣學問淵博情性冲和知縣沈慶曾題其堂曰樹槐並贊著有四書輯略六經纂要醫方便覽壽八十二而終

王再雪字新又康熙歲貢生司訓壽光風采峻潔遇諸生以禮教成不肅葺學宮課士以程朱爲法一時弟子員王隨楊安賴其造就皆捷南官青州饑運濟南米賑救以兩地斛懸殊

商河縣志

卷之八

人物志

一五

賢行

主者議請命而行再雪前曰民命急矣請命旬日全委溝壑又奚賑爲某身任咎斫斛而散以此全活甚衆歸田後兩推鄉飲大賓終年九十有二

于鶴年字介眉蘭之子以歲貢司鐸平度軒爽正直教士以禮諸生中有貧乏者助之膏火嘗捐俸興修學宮傾資協築城垣毅然行之無少難色康熙甲申商邑大饑里人多詣州運米爲當事者禁阻鶴年力請弛禁邑人賴以存活者甚衆至今父老猶能言之

李福嚮字用五乾隆初貢生賦性嚴正容貌端矜雖燕處齋如也設帳課徒立功過勸懲法以繩之終日嚴坐有犯必誠從